



**Ethica Amoris, Sive Theologia Sanctorum, Magni  
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones  
Strenuè propugnata, Et In Materiis Principaliter Hodie Controversis  
Fundamentaliter discussa

De Generalibus Principiis Amoris Et Morum - Prolegomena septem,  
Librosque undecim complectens

**Henricus, de Sancto Ignatio  
Leodii, 1709**

Caput VIII. Quinta radix, abusus probabilitatis.

---

[urn:nbn:de:hbz:466:1-73187](#)

- 69 Similiter S. Burchardus anno 1120. viginti Libros decreti sui compilavit ex SS. Augustino, Ambroso, Hieronymo, Gregorio, Basilio, Benedicto, Isidoro, & tribus Libris penitentialibus supradictis.
- 70 Decretum quoque Gratiani, Libri quatuor Magistri sententiarum, & Summa S. Raymundi, ex Documentis Sanctorum, Decretisque Conciliorum, & summorum Pontificum composita sunt.
- 71 Denique tota sic egit Antiquitas, adeoque periculorum ac lubricum censuit, ex suo morum quæstiones definire, ut si Casus per Canonem vel SS. Patres foret decisus, staretur decisioni, præsumptuostimum videtur aliter decidere: si non foret decisus, sed novus, nullus particularis, etiam Episcopus, decidere audebat, sed ad Concilium vel ad judicium plurium Episcoporum, aut Sacerdotorum ad id congregatorum, referebat.
- 72 Sic Paulus & Barnabas per se non determinaverunt, sed ad Concilium Apostolorum, id est, primum Hierosolymitanum, detulerunt Calum observationis legalium.
- 73 Cyprianus epist. 61. testatur congregatos à se quatuor Episcopos, pluresque Sacerdotes, ad respondendum Pomponio, quærenti, quid agendum cum virginibus quæ dormierant cum malculis adolescentibus, à quibus se intactas asserebant. Nec sine Concilio ausus fuit respondere ad quæstionem Caledonii Episcopi, num anticipari posset absolutio lapsum, qui ad pugnam pro fide reversi, gratiam & communionem postulabant.
- 74 Clerus item Romanus (Sede vacante) ab eodem Cypriano consultus super alia difficultate quæstione de lapsis, decisionem remisiit ad Concilium. Videri potest in horum fidem Cyprianus in epist. 10. 11. 12. 14. 31.
- 75 Gregorius Taumaturgus, Canone 7, respondere noluit quibusdam Episcoporum consultationibus, donec (inquit) *de iis congregatis Sanctis, aliquid communiter usum fuerit.* Interroga Scripturas (ait Innocentius III. in cap. per tuas, de sentent. excom.) si non inventaris, Canones Apostolicos intuire; si nec in illis, ad Catholicæ Ecclesiæ historias; si nec in illis, ad Sacerdotum exempla; si nec, congrega Seniores Provinciæ.
- 76 In Concilio Lemovicensi anno 1038. Episcopus quidam exposuit, non fuisse se aulum, solo iudicio suo decidere Casum novum adolescentis, qui temporalem dominum jussu superi principis interfecerat.
- 77 Sed & novos conscientiæ Casus in Conciliis resolvi solitos, patet ex Concilio Parisensi, extrav. de adulter. c. 4. Turonensi, extrav. de simonia; Lateranensi sub Alexandro III. p. 6. c. 9. &c. Quoddque libri Casistarum in Conciliis examinarentur, proscriberenturque, si quid novi, sine Conciliis aut Patrum auctoritate, continerent, liquet ex dictis supra.
- 78 Ex quo vero rariora facta sunt Concilia, ad Papam Episcopi recurrerunt, quemadmodum
- & Reges & Principes, &c. Ut ad Vigilium an. 538. Theodobertus Galliae Rex, petens, an ducere posset uxorem fratris sui defuncti, qui eam non cognoverat. Ad Innocentium III. Episcopus Tullensis, extrav. de adulter. c. 4. Ad Alexandrum III. Episcopus Bellovacensis, extrav. de matrimon. c. 3. Idem passim videre est in corpore Juris Canonici.
- S. Augustinus l. 7. de Baptismo contra Donatistas c. 53. proponit quæstionem, an Baptismus mimicè & joculatoriè collatus, valeat? non audet eam per se resolvere, sed dicit: *Nobis tuum est in ea non progredi aliquâ temeritate sententia, qua in illo Catholico regionali Concilio cœpta, nullo plenario Concilio terminata sum.... surum approbadus est Baptismus, qui si daretur, divinum iudicium, per alicuius revelationis oraculum, concordi oratione, & impensis supplici devotione gemitibus implorandum esse censerem.* Quem imitatus est S. Leo IX. in sua Romana Synodo: cùm enim tractaretur de reprobandi simoniacorum ordinationibus, Venerabilis Papa (ut refert S. Petrus Damiani in epist. ad Henricum Ravennæ Archiepiscopum) omnes Episcopos ex divina obtestatione rogavit, quatenus Dei misericordiam in commune depositerent, ut quid super hoc scrupuloso negotio decernendum esset, nutantibus revelaret.
- Tam procul Majores nostri abfuerunt à pra. 80 sumptuosa illa licentia, qua plures moderni, Veteribus illis sanctitate & sapientiâ absque comparatione inferiores, in comparationeque istorum Ecclesiæ Gigantum vix nani, præsumunt ex suo sensu, privataque sua ratione Scripturam & Patrum documenta antecedentes, de moribus iudicium ferre, novisque & Majoribus incognitis peccatorum excusandorum prætextus comminisci.
- Quam profectò præsumptionem incastigat tam noluit Deus, sed, ut eam nobis caverdam toti mundo faceret manifestum, præsumptuosos illos dimisit in adinventionibus suis, permisitque ut prolaberentur in tot proscriptas opiniones, modumque opinandi usque adeò alienum ab evangelica simplicitate, sanctorumque Patrum doctrinâ, de quo conqueritur Alexander VII. suprà.
- Enimvero ex quo illam sibi licentiam Neterici tribuerunt, Sanctorum doctrinam vel neglexerunt, vel adulterarunt. Ex quo vero sic negligi adulterarie cœpit Sanctorum doctrina, relaxari cœpit Moralis Christiana. Quæ tamdiu sancta fuit, quamdiu laudatorum Veterum modestia persistit.

## CAPUT VIII.

*Quinta radix, abusus probabilitatis.*

**H**æc pariter radix ex prima profluit, ex 83 nimia utique rationis antecedentis, seu pure humanae præfidentia, estque mali corvi malum ovum; cùm non fundetur in Scrip-

tura divina, neque in Sanctorum doctrina, sed in sola præsumptione, Philosophiaque humana. Quæ ex una parte practicè probabile dicit, quodcumque viro alicui docto licitum videtur, sive ita ipse judicet ex suo sensu, privataque ratione, sive ex aliorum authoritate, quæ aperè repugnantem non habeat sacra Scripturæ traditionem: ex alia verò parte, omne hujusmodi probabile, in praxi licitum fecurumque afferit, tametsi perensis hinc inde fundamantis appearat probabilius illicitum, quam licitum.

84. Quanta verò hinc corruptela, quanta disciplina christiane relaxatio consequatur, liquet ex eo quod humanæ rationes, quibus illa probabilitatis doctrina fulcitur, vel nihil probent, vel probent, ad licitam operationem, qualcumque etiam minimam probabilitatem, dummodo probabilitatem, sufficere, ut videbitur in materia de conscientia probabili, & usque adeò fatentur Tamburinus lib. I. in Decalogram c. 3. §. 3. n. 3. & 8. Pausillus decis. 18. aliquie probabilistæ, ut ad licitam operationem, minimam de licto probabilitatem, dummodo probabilitatem, sufficere putent, etiam in cau quo de ea probabilitate nonnisi probabiliter constet.

85. Hinc autem ulterius consequitur, id omne esse licitum, cuius honestas vel uni viro docto, & in materia versato, apparet nisi ratione vel authoritate gravi, tametsi talis ipsi non apparet, nisi apparentiā probabiliter probabili. Quod Tamburinus n. 4. concedit, tametsi (inquit) contra innumeros Doctores id doceat. Addit quidem hanc limitationem: *dummodo in contrarium nihil appareat convincens*. Sed & hanc limitationem Escobarius t. I. Theol. Mor. in præloq. c. 3. n. 14. intelligit de fundamento, non hunc vel illum, sed omnes absolute convincinge: *accidere enim assolet* (inquit) *ut tibi probabiliter opinanti ratio aliqua in contrarium convincens videatur, sed non inde opinio probabilitatem amittit*. *Quia licet tu illam non valeas rationem solvere, alius solvere quibit. Id que tibi debes persuadere: cum sepe tibi multæ rationes insolubiles exponantur, quæ ab aliis facili negotio dissolvuntur. Quare imprudenter te gereres, si, ob hanc causam, aliorum opiniones, quæ ut probabiles circumferuntur, improbabiles adjudicares*. Sic ille referens Thomam Sanchez & Sayrum.

86. Amplius (si tamen amplius) progredivit Caramuel Theol. fundam. Edit. Lugdun. n. 275. ibi namque docet in terminis, nihil habendum illicitum, nisi quod impingit evidenter in aliquam legem obligatoriam evidenter, idque omne esse probabiliter licitum & practicè tutum, quod non impingit evidenter, &c. Ideoque n. 277. afferentem aliquid illicitum, ad tria omnino præstanda obligat. Primo (inquit) debet ostendere rationes quæ malitiam probant, esse demonstrativas, nempe tales, quibus dari probabilis responso non possit. Secundo, debet ostendere rationes, quæ bonitatem probant, nequidem probabiles esse. Quandonam id ostend-

der? Ostendet (inquit) si omnibus ad unam derit solutionem quæ evidenter sit vera. Nec his contentus: Tertio (inquit) etiam debet ostendere, partem illam, quæ bonitatem ostendit, non habere sufficientes autoritates, ut dicatur probabilis. Non sufficit ergo quod priora duo ostenderit, sed hec omnia simul ostendere debet, casus causa, eis duo ex illis ostendat, modo unum non ostendat.

Arque utinam solius Caramuelis ea foret doctrina! verū eandem reipsa communissimam Probabilistarum doctrinam esse, confitetur ex duabus principiis apud ipsos solemnisimis.

Primum (quod Authores innumeri docent apud Terillum ipsis consentientem in tract. de cons. probab. q. 23. n. 27.) *Si post omnem conatum adhibitum, jus (aliquid prohibens) maneat incertum, posse nos prudenter formare judicium, quod nulla hujusmodi lex urgeat*. Secundum (quo fulcitur primum, quodque tradit Terillus ibidem n. 16.) est, *legem non obligare nisi sit sufficienter promulgata: talem autem non esse, nisi sit manifeste & evidenter cognita; vel (ut bona spei habet in Apologem. retort. dub. 7. n. 326. & 327.) legem non esse sufficienter promulgatam, quamdui invincibiliter ignoratur, an sit certa lata*. Si enim hæc principia vera sint, vera est allata, cum Tamburinus, tum Caramuelis doctrina; nihil utique habendum ut illicitum, nisi quod impingit evidenter in legem obligatoriam evidenter, licitamque esse actionem omnem, quæ fit secundum opinionem probabiliter probabilem de licto, tametsi probabilitas illa minima sit, dummodo à probabilitatis finibus non exeat. Quia hoc ipso quod habetur probabilitas ista de licto, deficit tam certitudo, quam evidencia de illicito (cùm nulla opinio contra se certum & evidens fundamentum habens, probabiliter probabilis sit, ut fatetur Tamburinus suprà;) nulla igitur actio facta, secundum opinionem probabiliter probabilem de licto (etiam minimā probabilitate, &c.) impingit certò vel evidenter in aliquam legem obligatoriam evidenter. Omnis igitur actio ejusmodi habenda erit licita.

Si autem omnis actio ejusmodi habenda sit licita, paucæ profecto habenda erunt illicita (tametsi talia passim ab omnibus habeantur) ferèque licebit quidquid lubebit. Tuna quia tot jam sunt de humanis actibus opiniones, ut, exceptis generalibus quibusdam principiis ac Decalogi preceptis, omnia ferè sub opinione posita sint; ipsaque Decalogi, (& à fortiori Ecclesiæ) præcepta tot hodie limitationibus, confitifque ex proprio cuiusvis sensu interpretationibus convelluntur, ut vix remaneat præcepto locus, prout c. 2. vidimus, observatque Emin. Cardinalis Bona in aureo Libro de principiis vita christiana p. 2. §. 46. Tum quia in tanta multitudine laxitorum Ethicorum, & Magistrorum prurientium auribus, qui (ut idem Eminentissimus ait) ut noxie libertati faveant, mandata Dei & Ecclesiæ tot limitationibus & pernicioſis interpretationibus convelluntur,

convellunt, admodum difficile est certa & evidenti demonstratione evincere, quod illicita sint quamplurima, etiam quae ab omnibus ferre illicita habentur. Materia quippe moralis paucas habet demonstrationes, vel cum Philosopho in principio Ethicorum fatentur omnes, & Lyranus advertit in c. 9. Sapientiae, dicens, quod agibilia humana in pluribus talia sunt, ut quoad ea non habeatur demonstratio.

89. *Enimvero quid planius simpliciusque Decalogi preceptis?* At tam varias de illis interpretationes hodie commenta est humana subtilitas, tot tricas & spinas superseminavit, tam densas difficultatum nebulas offudit, ut à pluribus hodie revocetur in dubium, sintne illa verita, quae ab omnibus passum Majoribus pro vetitis habita sunt. Et idem est, de preceptis ecclesiasticis. Mos enim apud nonnullos Casuum Scriptores invaliduit, ut quemadmodum in speculationibus quidam videntur sibi glorijs agere, si receptissima quæque negantes, vel in dubium revocantes, novas atque à communi scholarum sensu alienas opiniones tueantur, vel etiam comminiscantur; sic illi in moralibus sibi videntur nomen suum immortalitati consecrare, si novas cœli semitas à communi Majorum sensu alienas excogitent, at etiamque cœli viam dilatent, quo hominum gratiam aucupentur, dicanturque Agni Dei, qui tollunt peccata mundi: idèoque omnes humana subtilitatis nervos intendunt, ut tricas & altercationibus suis receptissima quæque negantes, vel in controversiam revocantes, jam licita faciant quæ olim ab omnibus illici habebantur.

90. Quo fit, ut pauca sint in divinis humanisque legibus ac preceptis, usque adeò femota ab omni controversia, quæ nimia eorum subtilitate (quæ propterea in Jure reprobatur) non reddantur obscura & controveria; ita ut zelum Dei & veritatis habentes jam deplorent, per contrarias interpretum sententias, *totum penè Ius* divinum ecclesiasticumque *conurbatum*, prout olim de Jure civili deplorabat Justinianus Imperator l. 3. de vet. jur. encl. Id vero Constitut. 44. in nimiam rejicit subtilitatem, qua fit, ut nihil in rebus humanis adeò femorum sit ab omni controversia, *tamen si maximum cum iustitia*, seu recte rationis dictamine, connexionem habeat, quod dubitationem ac controversiam non recipiat, si subtiliter animi curas intendas. Cujus Imperialis testimonii veritatem in moralibus experientia comprobat, experientia utique infinitarum propemodum glossarum, tricarum, inventionum, quibus divinas humanasque leges obscurarunt, inflexerunt, elumbarunt, mangonifarunt, enervarunt, luxarunt, & traduxerunt. Autores propositionum c. 2. recensitarum.

91. Harum quidem laxitatum complures prescriptæ sunt per Constitutiones Alexandri VII. & Innocentii XI. verùm illi ipsi, qui nimia subtilitate, minùsque sobrii tricas & alterca-

tionibus suis, divinas humanasque leges prius obscurarunt, in controversiam reduxerunt, inde monstratasque proinde concluserunt, atque hoc pacto earumdem vim (secundum allatam Tamburini, Caramuelis & communissimam Probabilistarum doctrinam) evigorarunt; prescriptio illas pariter obscurare, in controversiam revocare, & evigore conantur. Dum enim dissitter non possunt, certas evidentesque esse quoad substantiam, eas in incertum & controversiam revocare quoad sensum (sicut & antè revocabant tot alias summorum Pontificum Constitutiones, ipsaque Decreta, etiam Concilii Tridentini.) Non obstante namque damnatione propositionis v. g. 8. & 9. quod liceat comedere, bibere, opus conjugale exercere ob solam voluptatem, id adhuc licitum afferunt ob moderatam voluptatem, solùmque damnatas contendunt, si fiat ob voluptatem immoderatam, tametsi nullus unquam Christianus ob immoderatam voluptatem id licitum afferuerit: damnatas vero propositiones illas, *parvum ex diversis vel libris, vel thesibus, seu scriptis excerptas, partim noviter ad inventas esse* Innocentius XI. contestetur. Nescio an majoris audacie non sit Caramuel, dum, loco infra referendo, dicit: non dati in mundo visibili autoritatem condemnandi opiniones probables, id est (ut ipse explicat) autoritate alicuius viri docti, vel ratione visâ ipsi grayi semel subnixas. Quippe an non inde consequens sit, 45. opinione ab Alexandre VII. & 65. ab Innocentio XI. illegitime condemnatas esse, alius judicandum relinquo.

Scio non omnes Probabilistas tam liberè 92. sentire, liberumque probabilitatis usum certis limitibus non paucos coactare. Sed dum equidem licetum universum faciunt usum opinio- nis minus probabilis de licto, contra agnitionem probabilem de illico; dum licitam in substantia, vel certa circumstantia, faciunt contraventionem legis, sive naturalis, sive positivæ, sive divinæ, sive humanæ, quoties utique obligatio ipsius vel in substantia, vel in hac illave circumstantia, post diligens examen, certò & evidenter non innoscit; dum vel unius viri docti & pii (id est pro talis ab ipsis habiti) autoritatem satis momenti habere putant ad efficiendum practicè probabile, adedique practicè licitum, ac tutum, quod tale ipse existimat (quia videlicet viri magni autoritas, satis est magna ratio, ut judicem rationes ejus probables, et si minus mihi probentur (inquit P. de Rhodes disp. 2. de actib. hum. q. 2. lect. 3. §. 1. ad 2. object.) dum haec (inquam) universim affirmant, suis ipsis principiis generalibus, practicè licitas faciunt qualcumque Caramuelis, Diana, Tamburini, Escobaiii, aliquorunque indulgentiorum Authorum laxitates c. 2. recensitas, etiam illas quas per speciales rationes speculative dominant. Quid enim juvat speculativum eorum, privatis in quæstionibus, ab invicem dissidium, si equidem in communi illa quæstione, generalibusque prin-

## Prolegomenon Primum.

cipiis antedictis ; practicè convenient : nihil profectò juvat , quominus in ipsis quadret quod Augustinus ait 2. de adulter. conjug. 4. *Hoc vos quidem non sentitis , sed hæc sequuntur illa qua sentitis . Mutate ergo antecedentia , si vultis cavere sequentia.*

93 At ( inquit ) probabile non existimamus placitum cuiusque viri docti & pii , quando convincens quidpiam adfertur contra illud , v. g. condemnatio illius per Ecclesiam.

At ( inquam ego ) si evidentet non constet de sensu damnationis , suumque placitum vir ille doctus & pius suo sensu damnatum neget , vitroque alicui pio & docto probabilis videatur hæc exceptio , ecce iterum per generalia principia vestra ( damnatione non obstante ) practicè probabilis ac tuta remanebit assertio ipsius , quia in sensu ipsius incerta inevidensque erit ipsius condemnatio.

94 Ecce igitur quām vastus aditus ad omnes ferē laxiores indulgentiorum Probabilistarum opiniones in praxi permittendas aperitur , per generalem illam probabilitatis doctrinam , in hac prefertim temporum hominumque conditione , in qua tot jam sunt de humanis actibus opiniones ( ait Cardinalis Bona loco citato ) ut ferē liceat quidquid libet . Tanta quippe est multitudo , tantaque diversitas probabilium ( ut vocant ) de qualibet propemodum re proposita opinionum , ut tota penē Theologia Mortalis problematica sit , ut videre est in Escobario , qui Theologiam Moralem , pluribus ingensibus voluminibus , totam ferē problematicam conscripsit ( id est ) secundūm duplicem viarum utramlibet adeō securam pronuntiat , ubi ( uprā n. 13. ut ( secundūm ipsum ) quamcumque duarum , primo diversarum , interint homines , rectā tendant ad superos . Quasi ipsius arbitrio , vel indulgentiorum ( quos refert ) Authorum , id juris datum sit , ut duas vias extremē oppositas , securas , tutasque efficiere possint . Vel quasi humana ratio ( in qua se fundant ) quamlibet peccato excæcata , quamlibet etiam probabilis apparet falsitas quam veritas . Quasi denique quoddam infallibilitatis genus acquirat , quisquis eam sequitur , tametili infallibilitatis istius nullum in Scripturis & Patribus appareat vestigium .

95 Id totum tamen conjectarium est ex doctrina illa Escobarii , viri magnæ apud Probabilitas autoritatis : de quo non deerit qui daturus est , quod de Caramuelo Franciscus Verde in epist. 2. ad Caramuelum , præfixa operi , quod in ipsius defensionem contra Crispinum à Borgia Episcopum Placentinum edidit , in

qua sic loquitur : *Quis namque persuadere , etiam per somnum , sibi potuisset , capacissima anima Caramuelis oculatissimam doctrinam , exhausturam nunquam , bauriendam semper , tam sè de hereticis triumphantem , & difficultatum tempestates impavidè calcantem , posse improbabilitatis ... notā iniuriā Et in procēdio ejusdem operis : Hac pauca sufficient , ut videant omnes , quanti faciant Caramuelum Theologum , Borgiamque impossibilem spartam assumpſisse , cum sumptu calamum , ut Caramuelis opiniones improbabiles esse demonstraret . Siquidem , ut ibidem q. 12. n. 53. arguit , rationes leves aut graves , modò non sīm demonstratiue , doctrinam Caramuelis non expugnant , sed roborant . Hic enim syllogismus semper in acie invicta stat . Illa opinio est probabilis , qua tam fortibus firmatur rationibus , ut contra , licet leves , aut etiam fortes , nullam tamen demonstratiue & evidenter habeat . At tales sunt omnes opiniones Caramuelis ; omnes igitur ad unam sunt probabiles . Ideoque juxta allatam Escobarii ( qua etiam Caramuelis est ) doctrinam , rectā ad superos infallibiliter tendit , quīquis eas in praxi sequitur .*

Si ita est de omnibus ad unam Caramuelis 95 opinionibus , idem consequens erit de opinionibus Diana , utpote , de quo Caramuel in prælud. ad Theologiam fundam . Certi sumus ( inquit ) tanto illius dogmata Theologorum firmari numero , ut quareanti an hoc aut illud liceat , sufficiat respondere : Diana dixit . Cumque opiniones Escobarii , Tamburini , & similium Authorum laxioris doctrinæ ( sic de ea in multis censuit Ecclesia ) non pauciori firmentur Theologorum numero ; idem de illis quoque dicendum erit . Quemadmodum & de illis ipsi Caramuelis opinionibus , quas in Germanica Editione vulgatas , in Romana & Lugdunensi ipse Editione revocavit ; cum non sic revocaverit , ut circa eas tria illa n. 86. enumerata præstiterit , quæ ( ipomet Authorē ) necessaria sunt , ad ostendendam practicam earum improbabilitatem , atque adeō impracticabilitatem . Idem denique dicendum erit de hac Caramuelis propositione : *Non datur in mundo visibili authoritas condemnandi opiniones probabiles , Theolog. fundam. p. 1. n. 182. 259. & 285. Ex quo conjectarium est , non dari in mundo visibili , nec proinde in Summo Pontifice , nec in ullo Concilio , quamlibet Oecumenico , potestatem condemnandi ullam Caramuelis opinionem . Omnes enim ad unam sunt probabiles , & impossibilem spartam Placentinus Episcopus assumpſit , dum sumpsit calamum , ut aliquas ipsius opiniones improbabiles esse demonstraret , si Francisco Verde credimus . Qui propterea addit : Quidquid approbatum est a magno ( quem vocant ) Caramuel , condemnari à nemine posse .*

Ecce quoque dilatata sunt philacteria probabilium ( quas vocant ) opinionum ! quantis insuper elogis celebrantur Principes indulgentiorum Caluisterum ! Ideo verendum , multumque verendum , ne succrescente numero hujusmodi Authorum ( humanae foris vitio ) suā spon-

te in laxiora proclivium, laxiorum opinionum in tantum per eos succrescat multitudo, ut hinc omnis licentiae asylum quoddam fidelibus appetiatur, siveque multitudo fidelium, non Hierusalem civitas sancta, sed Babylon confusionis efficiatur. Id enim sequi primum est ex eo quod humanae authoritatis, malesuadae rationis arbitrio, omnia ferre velut probabilitas permittantur, etiam jus excipiendi a generalibus Dei & Ecclesie legibus. Quod eo ipso fit, quo omnia permittuntur probabilitati, etiam minori, etiam in sola Caramuelis, Dianæ, Tamburini, Escobarii, vel similius Scriptorum auctoritate, vel humanæ ratione ab ipsis excogitata, non in divinis Litteris, nec in SS. Patribus fundata. Neque enim fatis enarrari potest, quantorum malorum colluvies ex infecta ista radice nata sit pullulare, in hoc praesertim luxuriantium ingeniorum seculo, in quo non pauci surrexerunt Patroni complutum opinionum, communibus vulgaris honestatis notiobus adeo repugnantium, ut horrore sint, vel ipsis Ethnicis, in quibus mica superest probabilitatis, scandaloseque vita sint ipsis etiam hereticis. Quos inter famosus Ministellus Drelincourt librum sub hoc titulo edidit: *Licentia quam Casuistæ Communionis Romana dant suis deoitis*: sed eam non dat Ecclesia Romana, utpote, quæ licentias illas opiniones per Alexandrum VII. & Innocentium XI. publico Decreto tanquam scandalosas, & animarum perniciem inferentes, condemnavit, practicari que, & ut probabiles doceri prohibuit. Ex dictis tamen videre quisque potest, quoque processerit doctrina illa probabilitatis, & an non merito ipsi applicari possit famosa sententia Concilii novem Cardinalium, pro detegendis & curandis radicibus malorum in Gallia graffantium, a Paulo IV. deputatorum: cum enim varias ipsi notassent opiniones Ecclesiæ noxiæ, & inter eas sequente, *Voluntas Pontificis, qualcumque ea fuerit, in materia simoniae, est regula qua ejus operationes diriguntur: ex quo procul dubio effici, ut quidquid liberat etiam licet.* Monuerunt Pontificem, quod ex hoc fonte irruperet in Ecclesiam Dei tot abusus, & gravissimi morbi, quibus enarratis dixerunt: *Videat Sanctitas Tua, quæ processit affectatoria illa doctrina.* Sed & Cardinalis de Laurea in Epitom. Canon. in prælimin. ad Lect. Cogitans mihi (inquit) serioque indaganti, undenam.... tanta circa morales doctrinas... in christianum orbem irreperit laxitas, effrenisque in privato quilibet opinandi libido, faciliter occurrit, inde sumpsisse exordium, quod Spiritus Sancti Eccl. 8. contemptu magisterio, narrationes Patrum nostrorum prætereunt, propria innixa prudentia, nostris nimis indulgemus affectibus, nec amplius ad amissim lapidem, iuxta Philosophi præceptum, sed ad lapidem amissim aptare conendum. Non, inquam, legi voluntatem subjicimus, sed legem ipsam ad voluntatem trahere non formidamus... nullique non insuper probabilitatis involucro co-

*honestentur singula, ut nullum jam superfite agibile, in cuius gratiam bivium protinus non sit paratum certissimum, &c.*

## CAPUT IX.

Sexta radix: *abusus harum maximarum: In obscuris benignior interpretatio, vel opinio sequenda: Odia restringenda, favores ampliandi: In dubio melior est conditio posseidentis, &c.*

**H**æc quæ dixi superiori capite, quæque 98 fusus (Deo dante) prosecuturus sum to. 2. l. 1. ( ubi opinionem illam, quæ licitum affert usum cuiusve opinionis, etiam minus probabilis de licto, in concursu probabilius de illico, conabor funditus evertere ) non dixi, nec dicturus sum, ad taxandum, seu notandum personas, vel intentionem Authorum illius opinionis, quasi scopus illorum sit christianæ disciplinæ corrumpere sanctitatem. Absit enim ut id suspicere de doctissimis, integerrimis, religiosissimisque Viris, quorum propositum existimo non aliud fuisse, nisi opiniones suas ad hominum imbecillitatem attempare, ne immoderata severitas imbecilles homines in maiora mala, vel etiam in desperationem adigeret; ad quod præcavendum, vixum est ipsis melius viam mandatorum dilatare, quam attare; melius, leges interpretari benignè, quam rigide. Quia benignior interpretatio, multis (inquinat) est causa salutis: rigida, multis est causa damnationis.

**H**ac etiam de causa, in dubio conflictuque 99 opinionum, hinc pro lege, inde pro humana libertate, melius existimat favere libertati quam legi, eum in sensum usurpantes illas Juris regulas: *Benignior interpretatio facienda, favores ampliandi, odia restringenda. In dubiis quod minimum sequimur. Opinio benignior est sequenda.*

Sed ut laudanda est benigna ipsorum intentione, non pariter laudanda est mediorum electio. Revera namque abusi sunt nomine benignitatis & favoris, falsam benignitatem pro vera accipientes, nec tam attentes quid revera favorable esset animarum saluti, quam noxia corrupti hominis libertati. Nec abusus iste minus radix est Theologia laxioris, quam abusus probabilitatis, de quo præcedenti capite. Sub iis namque prætextibus, Moralis laxioris Authores invexerunt opinandi modum, alienum ab evangelica simplicitate, sanctorumque doctrinâ, quem si fideles in praxi sequerentur, ingens irreptura esset vita christiana corruptela, prout Alexander VII. in Decreto suo conqueritur. Unde nec alios Authores habet dictarum maximarum abusus, nisi quos habent radices præcedentes; nec aliud est nisi mera adinventio Philosophiae humanæ, in sola ratione antecedente fundamentum habens ( si quod habet) non in sacris Litteris, nec in sacris Canonibus, nec in sanctis Patribus.

Tom. I.

D 2